

Le dotur **Eduard Agreiter é demez** dal dedemesaledema al vëndres, dai 13 ai 15 de ma, y vëgn sostituì dala doturia Margarete Mahlknecht 349 06 67 034.

SAN MARTIN Y LUNGIARÜ

Referat de siur Tone Fiung en dedolönesc, ai 12 de ma, dales 20.00 a Lungiarü „Ne stede a ti tó Chël Bel Dî ai mituns“.

Invit ala **prozesciun de nôt dl Movimënt Catolich di Èi** en dedemesaledema, ai 13 de mà, dales 21.00 da Porsenù (Acquarena) a Neustift y dailó dales 22.00 mësxa. Al passa na coriera ia dala Burcia dales 19.20. Düc i èi é bel invia. Prenotaziuns 348 40 96 351.

La **oraziun tl chît** é na fontana de pêsc y stabilité tla büsia da vigni dé. En jöbia, 14/05, dales 20.00, tla stüa da Oies sêra de informaziun cun Gerhard Mahlknecht da Bornech, so maester é siur Peter Dyckhoff che á na gran esperiënza y á scrit libri. Düc é invia.

Invit ala presentaziun dla traduzziun por gherdëna dl Testamënt Vedl de siur Cristl Moroder en jöbia ai 14/05 dales 20.00 tla colonia da La Ila.

La Uniun dles Ères Catoliches invieia ala **preparaziun dl bato**, en sabeda ai 16 de má, tla Ciasa dles Uniuns a La Pli de Mareo. Prenotaziuns 0474 523 274.

La **Uniun dles porsones vëdues y sores** dla Val Badia invieia al peregrinaje al santuar Valcalda a Pieve de Cadore en jöbia ai 28 de ma; la coriera passa ia dala Burcia dales 7.20. Iade cun marëna costa 40 euro. Anunziesse cina ai 25 de ma: 0474 590 069.

SAN MARTIN

Cun ligrëza tolunse sô incö tl cêrtl de nosta comunité incër la mësxa dl Signur les nü mitans Alissa, Anna, Aylin B., Aylin C., Denise, Emely, Maria, Sara C. y Sara F. y le möt Elias, che va incö ala **pröma Comunium**.

LUNGIARÜ

Le KVV da Lungiarü vënn **ciüfs por la Festa dla Uma** incö domënia, do la gran mësxa. Ci che vëgn trat ite va a fin de bëgn.

I Jogn da Lungiarü invieia en mercui, ai 13 de ma, da sêra dales 19.30 ala **prozesciun cun ciandëres** dala Grotta cina te dljia olach'al sará na picia funziun.

Bel dilan dles **spënores** ala dljia da Lungiarü en recort de Davide Daporta da: fioc da Mazchel, Cor de Dljia, familia Nazio y Loise Clara, families Daporta, Pinîs; por la Krebshilfe da Lidia Flöss, Al Plan.

Les Patrones á trat ite dala Confermaziun 417 € por la dljia da Lungiarü. Bel dilan!

La Uniun dles Patrones invieia en dedolönesc, ai 12 de ma, dales 20.00, tl salf di stödafüch a San Martin a n **referat** y dedó ala **baratada de ciüfs, pelzes y somënzes**. Ci ch'i portëis é da dé jö denant tl'entrada dl salf di stödafüch. (*ciarede ultima plata*)

Invit ala **Reuniun generala dl'Assoziaziun Turistica** San Martin en jöbia, ai 14 de ma, dales 20.00, tl salf dles reuniuns dla Cassa Raiffeisen a San Martin

Dé Internazional di Museums en domënia ai 17 de ma cun manifestaziuns por families. Le Museum de Tor é davert dales 13.00 ales 18.00. I mituns po se divertí cun de vigni sort de jüc, se lascé depënje sô le müs y i.i. cun le grup Arteviva. Le Museum da San Ciascian deura bele dales 10.00. Le clown Dolcinella ves aspeta dales 10.30, 11.30, 14.45 y 15.45. Domisdé é Herwig Prinoth che pita vijites accompagnades dales 14.45 por talian y dales 15.45 por todësch. Le museum stluj dales 18.00. L'entrada é debann. Sorvisc de taxi debann danter S. Martin y San Ciascian.

La Uniun dles Patrones da S. Martin organiseia n **curs da cujiné pröms y dessert** l'ater lönesc ai 18 de mà dales 19.30 a Piculin tla ex scora profesionala. Düc y dötes che oress tó pert dess s'anunzié pro la Loise 0474 590 026.

Invit al **concert dla Musiga** da San Martin en domënia, 17/05, dales 20.00, tl gran salf.



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

10.05 - 17.05.2015 nr. 24

termo da publiché: jöbia 20.00
radio: 90,40 / 93,70



6ª DOMÈNIA DE PASCA - Dé dles Umes



Vangele: Jan 176a.11b-19

Sciöche le Pere m'á orü bun,
insciö ves ài incé iö orü bun.

Romagnede te mi amur!

Sc'i osservëis mi comandamënc,

romagnëise te mi amur,

sciöche iö á osservè i comandamënc de
mi Père y romagni te so amur.

Chësc ves ài dit,

por che mia ligrëza sides te os

y por che osta ligrëza devëntes plëna.

Chësc é mi comandamënt:

Orësse bun un al ater sciöche iö ves á orü bun.

Al n'é nia n maiü amur co sce un dà ca súa vita por sü amisc.

L'essënza, la cossa plü importanta, dla religiun iudaica é: I comandamënc é amur. De chësc vers é Gejú resté iüda cina inultima y n'á nia tradí súa religiun, mo al l'á ampliada y ti á daurí les portes dl amur de Dî a döt le monn.


Comandamënc é amur: y amur porta früc.

I comandamënc n'é nia n ju che drüca sön les sciabes, mo n invit al amur.

I diesc comandamënc é consëis por chi che ó se comporté indortöra y ó se möie tl monn cun Chël Bel Dî tl cör.

Chësc vara ma da fá cun n gran respet defrunt ai atri. Y por ne baié nia ma tres d'amur, pon incé ponsé a so contignü: ne arobè nia, ne mintí nia, ne invidié nia. Se consintí a se instësc la pêsc y ester umii dan da Idî. Tan scëmpl che l'amur é pordërt! Y tan de früc ch'al pó porté danter geniturs, mituns, vijins y cinamai danter popui.

Y sce nos cristians ne sun nia tres bugn da vire tl amur, spo n'é chësta degöna gauja da desprijë l'amur y nosta fede, mo al é propi la pert sterscia dl amur, ch'al po tres indö gní vaghé danü.



	SAN MARTIN		LUNGIARÜ
10.05.15 5ª Domènia de Pasca <i>Dé dla Uma</i>	Festa dla Pröma Comuniun 9.30 Ingrès dala scora Confaruns, musiga, comunicanc, geniturs, bandires, sorvidus, prou, toc, totes y comunité Mëssa (ciantada dai mituns) dedo Incuntada y konzert dan calonia 19.30 Corona de mà sö Ju	10.05.15 Domènia	7.55 Corona de ma 8.15 Gran Mëssa dla Comunité 15.00 Corona tla Capela da Seres
11.05.15 Lönesc <i>Walter, Iachin</i>	19.30 Corona de ma a Picolin	11.05.15 Lönesc	20.00 Corona de ma tla capela da Seres
12.05.15 Dedolönesc <i>Pancraz, Nereus, Imelda</i>	16.00 Mëssa tla capela da Frëina en onú de Santa Maria da Fatima por Ivan y Franca Sorá + siur Merch Graffonara + + Rungger, Mirí	12.05.15 Mertesc	7.30 Corona de ma 20.00 Referat de siur Tone Fiung
13.05.15 Dedemesaledema <i>Santa Maria da Fatima, Servaz</i>	19.30 Corona de ma a Bioch 20.00 Corona de ma sö Mirí	13.05.15 Mercui	7.50 Mëssa di scholars aniv. Pire Clara y Paul Costa + + Maria Zingerle y Angela Clara Longher 19.30 Prozesciun di jogn cun ciandëres dala Grota ite
14.05.15 Jöbia <i>Bonifaz, Matia, Cristian</i> <i>Al mët man la novëna al Spirit Sant</i>	7.30 Mëssa di scholars + en onù de Santa Maria da Fatima les animes 18.20 Prozesciun a Bioch 19.30 Mëssa a Bioch + siur Heinrich Videsott + Giovanni Sorà	14.05.15 Jöbia	18.45 Prozesciun a Bioch 19.30 Mëssa a Bioch + siur Sepl Clara
15.05.15 Vëndres <i>Sofia, Sonia, Rupert, Isidor</i>	19.00 Prozesciun a Picolin 19.30 Mëssa a Picolin en onú de Sant Antone + + Alfred y Erica Videsott	15.05.15 Vëndres	6.00 Prozesciun a San Martin 7.30 Mëssa a San Martin fam. Milio y Maria Sorá + siur Fonjo Clara
16.05.15 Sabeda <i>Jan Nepomuch, Ubald, Adolf</i>	6.00 Prozesciun a La Pli 9.00 Mëssa a La Pli 18.30 Mëssa prefestia families de Frida Videsott Erna Frenner a d'intenziun + + Carlo y Hannele Zingerle (aniv.)	16.05.15 Sabeda	19.30 Prozesciun te paisc 20.00 Mëssa prefestia por la Uniun dles Ères familia Reinhold Sorá aniv. Bino Clara, Brocia + Anni Schanung
17.05.15 ASCENSIUN DL SIGNUR Assënza / Palsacrusc	9.00 Corona de ma 9.30 Gran Mëssa dla comunité	17.05.15 Domènia	7.55 Corona de ma 8.15 Gran Mëssa dla Comunité 15.00 Corona tla Capela da Seres